

Winterhalder & Hofmeier

Präzisionsuhre usem Schwarzwald

Unser Mitglied, d' Dichterin Rosemarie Banholzer, isch vu ihrer Muetter und ihrem Großbappe her us de Schwarzwälder Winterhalder-Familie, welle in Neustadt und drum enum Uhre fabriziert hot.

D' Firma „Winterhalder & Hofmeier“ isch um es Jahr 1850 gründet worre vum Matthäus Winterhalder (1799-1863) us Friedenweiler und em Johannes Hofmeier (1802-1876) us Schwärzenbach.

D' Winterhalder Uhre hond als Merkmal es eigstanzte Zeiche „W & H SCH“.

D' Uhrefabrik hot massive und kunschtvolle Uhre fir de Kaminsims (englisch Bracket Clock) und Standuhre bsunders in England, Irland und de Vereinigte Staate vu Amerika verkauft.

D' Firma hot konne 100 Jahr bis zum Jahr 1933 schaffe könne. In de zweite Generation isch se inne offene Handelsgesellschaft umgewandelt worre mit em Name „M. Winterhalder & Hofmeier, Friedenweiler und Schwärzenbach, in Neustadt“.

In de dritte Generation hot mer se am 19. Dezember 1908 „M. Winterhalder & Hofmeier GmbH“ ghoße. D' Gsellschafter vu de Firma wared mitenand verwandt. Sie wared alle Brieder oder Vettere us de große Winterhalder-Familie mit eigne Fabrikle und hond us denne fir d' gemeinsame Win-

terhalder & Hofmeier-Firma spezielle Uhre und Werke gliedered.

Im Erschte Weltkrieg hot mer uff d' Kriegsproduktion umstelle mieße. Nach em Erschte Weltkrieg isch es Uhre verkaufe it leicht gmacht worre. Importzöll, Inflation, Wirtschaftskrise und billigere, eifachere Uhre uf em Markt hond es Gschäft schlecht laufe lo. Also hot d' Firma Winterhalder & Hofmeier 1933 uffhört mit em Uhre baue und isch am 2. Juni 1937 us em Handelsregister gstriche worre.

Die Uhre werred numme produziert, aber d' Sammler und Liebhaber schätzed immer no selle Präzisionsuhre us em Schwarzwald. D' Familie Vogelbacher vum Café Feldbergblick in Schwärzenbach (Ortsteil vu Titisee-Neustadt) sammled die Uhre und stelled se in ihrem Café aus.

Zum Witerläse:

Gerd Bender: Die Uhrenmacher des hohen Schwarzwaldes und ihre Werke, Band II, Verlag Müller, Villingen, ohne Datum.

Karl Kochmann: Lenzkirch Clock Factory (Part 1), Winterhalder & Hofmeier Clocks (Part 2). Merritt's Antiques Inc., Douglassville, PA 19518, USA 2005. ISBN 0-933396-16-3.

Zsammetrage vum Roland H. Bueb



Mi Uhr

*I hon e Schwarzwälder Uhr,
die isch dopplet so alt wie i,
sie goht uf d'Minut', direkt stur,
schlecht all Viertelstund
und erinneret mi, dass
kon Dag rückholbar isch,
dass die Zit wietergoht,
au wenn d'Uhr schoht,
weil i's Ufziehe vegesse hon –
trotzdem geht's eifach kon
Halt im Lebenslauf,
wo vu obe isch bschtimmt. –
Solang 's Kerzle no glimmt
und de Zeiger sini Runde macht,
freu i mi a de Schwarzwald-Uhr,
wo min Großbappe hot gmacht.*

Rosemarie Banholzer

*Des „Alemannische Gebet“ het d Claudia Reimann vu de Gruppe Seealemanne in Nonnehorn im Dorfmuseum gfunde un sich so driber gfrait, dass sie s fir s Heftli fotografiert het. D Gruppe Seealemanne isch nach Nonnehorn gfare, wil sie dert d Mitglieder bsuecht hen, wo noch de Uflösung vu de Gruppe Nonnehorn zue de Gruppe Seealemanne kumme sin. De Oswald Joos, wu d Gruppe bis ins letscht Jahr gleitet het, het die ganze Muetterspröchler durch Nonnehorn gfährt.
Foto: Claudia Reimann*

